

虹單第 18 批

卷一萬千四百三十二

主 錄 總 校 官 侍 郎 高 拱

學 士 莊 明 三 家

分 校 官 編 修 孫 銳

官 寫 院 士 莊 王 以 成

圖 點 監 生 莊 林 氏 表

莊 顯 嘉 言

永樂大典卷之一萬一千一百三十二

八賄

水 水經六

水經濕水出鴈門陰館縣東北過代郡桑乾縣南濕水出于濕頭山。一曰治水泉發于山側沿坡歷澗東北流出山逕陰館縣故城西北縣故樓煩鄉也。漢景帝後元三年置王莽更名雷城矣。魏天安三年齊平徙其民於縣。立平齋郡濕水又東北派左會桑乾水縣西北上下洪源七輪謂之桑乾泉。即溇源水者也。有老云其水潛承太原汾陽縣北燕京山之大池池在高原之上世謂之天池方里餘其水澄渾乾淨而不流若安定朝那之秋淵也。清水流潭皎馬中照池中常無斥草及其風澤有輪輒有小鳥翠色投淵衝出若會稽之私鳥也其水陽燁不耗陰霖不濫無能測其淵深也。古老相傳言嘗有人乘車於池側忽遇大風飄之於水有人獲其輪於桑乾泉故知二水潛流通注矣池東隔阜入有一石池方可五六十步清潔鏡潔不異大池桑乾水自源東南派石會馬邑川水水出馬邑西川俗謂之磨川矣蓋狄語言訛馬磨聲相近故爾其水東逕馬邑縣故城南千寶搜神

記曰。昔秦人築城。截周塞內。以備胡。城將成而崩。乾矣。有焉。是一地周旋反覆。久矣。異之。因依以築城。城乃不崩。遂名焉。邑。或以為代之焉。城也。諸記紛競。未識所是。漢以斯邑封韓王信。後為匈奴所圍。信遂降之。王莽更名之曰章昭水。其東流桑乾水。桑乾水入東南流。水南有故城。東北臨河。入東南。石合濕水。亂流。枝之南。分桑乾水。入東左。合武周塞水。水出故城東南。派出山。迤日沒城南。蓋夕陽西顧。戎車所薄之城故也。東有日中城。城東又有早起城。亦曰食時城。在黃瓜阜北曲中。其水入東派。石注桑乾水。桑乾水又東南。迤黃瓜阜曲西。又屈迤其堆南。徐廣曰。猗盧廢嫡子曰利孫于黃水堆者也。又東右合枝津。枝津上承桑乾河。東南流迤桑郡北。大魏因水以立郡。受厥稱焉。又東北左合夏屋山水。水南出夏屋山之東溪。西北流迤故城北。所未詳也。又西北入桑乾枝水。桑乾枝水又東流津委浪通結兩湖。東湖西浦湖潭相接。水至清深。晨晨夕鴈。泛濫其上。然甲青鱗潛躍其下。俯仰池潭。意深魚鳥所窳。唯良木耳。俗謂之南池。池北對注閭縣之故城。故曰池南也。南池水又東北注桑乾水。為濕水。並受通稱矣。濕水入東北。迤魏亭西。蓋皇親天賜三年之所經建也。濕水入東北。迤白狼堆南。魏列祖道武皇帝於是遇白狼之瑞。故斯阜納稱焉。阜上有

故宮廟樓。謝基雄高崇。每至鷹隼之秋。羽獵之日。群閱清野。為昇眺之遙地矣。濕水入東流四十九里。東逕巨魏亭北。又東。崢川注之。水南出崢山。縣故城南。王莽之崢張也。縣南面玄岳。右背崢山。處三山之中。故以崢張為名矣。其水又西出山。謂之崢口。北流逕繁時故城東。王莽之留要也。又北逕巨魏亭。又北逕劇陽縣故城西。王莽之善陽也。按十三州志曰。存陰館縣東北一百三里。其水又東注于濕水。濕水入東逕班縣南。如渾水注之。水出涼城旋鴻縣西南五十餘里。東流逕故城南。北俗謂之獨谷。孤城水。亦即名焉。東合旋鴻池水。水出旋鴻縣東山下。水積成池。北引魚水。水出魚溪。南流注池。池水吐納川流。以成巨溪。東西二里。南北四里。北對涼州地之南池。池方五十里。俗名乞伏袁池。雖隔越山阜。為道不遠。雲霞之間。常有西南流逕旋鴻縣南。右合如渾水。是總二水之名矣。如渾水入東。南流逕永固縣。縣以太和中因山堂之目。以氏縣也。右會羊水。水出平城縣之西苑外。武周塞北。出東轉逕燕昌城南。按燕水建興十年。慕容寶自河而還。軍敗於參合。死者六萬人。十一年。出衆北至參合。見積骸如山。設策弔之。死者父兄皆號泣。六軍哀慟。無敢憤嘔血。因而寢疾焉。舉過平城北四十里。疾篤。築燕昌城而還。即此城也。故北俗謂之老公城也。羊水入

東注于如渾水。亂流運方嶺上。有文明太皇太后陵。陵之東北有高祖陵。二陵之南有永固堂。堂之四周隅埤列階階欄檻及扉戶梁壁椽瓦悉大石也。據前西柱。採洛陽之八風谷黑石為之。雕鏤隱起。以金銀間雲埤有君錦馬。堂之內外四側。結兩石扶帳。青石屏風。以大石為椽。並隱起忠孝之容。題刻貞順之名。廟前雖乃石為碑獸。碑石至佳。左右列柏四周。迷禽闌目。院外西側有思遠靈園。園之西有齋堂。南門表二石闕。闕下斬山累結御路。下望靈泉官池。皎若圖鏡矣。平水入東注如渾水。又南至靈泉池。枝津東南注池。池東西一百步。南北二百步。池清舊名白楊泉。泉上出白楊樹。因以名焉。其猶長楊五柞之流稱矣。南面舊京。北背方嶺。左右山源。亭觀繡峙。方湖茂景。若三山之倒水下。如渾水。又南逕北宮下。舊宮人作薄所在。如渾水。又南分為二水。一水西出而屈入北苑中。歷諸池沼。又南逕虎園。東魏大平真君五年成之。以虎牢也。季秋之月。聖上觀御園上。勅虎士効力於其下。事同奔戎。生制猛獸。即詩所謂袒裼暴虎。獻于公所也。故魏有捍虎園也。又經平城西郭內。魏太常七年所成也。城周西郭外。有郊天壇。壇之東側有郊天碑。延興四年立。其水而又屈逕平城縣故城南。史記曰。高帝先至平城。史記音義曰。在鴈門。即北縣矣。王莽之平順也。魏

天興二年遷都於此。太和十六年破太華安昌諸殿。造太極殿。東西堂。及
朝堂。夾建象魏。乾光中陽端門。東西二掖門。雲龍神虎中華諸門。皆飾以
觀闕。東堂東接太和殿。殿之東階下有一碑。太和中立石。是洛陽八風谷
之繡石也。殿之東北接禁宮寺。南對承賢門。門南即皇信堂。堂之四周。國
右聖忠臣烈士之容。列題其側。是辯章郎彭城張僧達樂安蔣少遊于堂
南對白臺。臺甚高廣。臺基四周列戟闕。路自內而升。國之圖籍祕籍。悉積
其下。臺西即朱明閣。有侍之官出入所由也。其水夾御路南流。逕蓬臺。西
魏神瑞三年。又毀建白樓。樓甚高聳。加觀榭於其上。表裏飾以石松。構曜
建素赭白騎公。故世謂之白樓也。後置大鼓於其上。晨昏伐以千椎。為城
里諸門啓閉之候。謂之戒晨鼓也。又南逕皇舅寺西。是太師掾昌遜晉國
所造。有五層浮屠。其神圖像皆合青石為之。加以金銀火齊衆彩之。上煒
煒有精光。又南逕永寧七級浮屠西。制甚妙工。在寨雙。又南逕出郊郭。郭
柳蔭街。系楊波浦。泓弘引渠。用周圍繞長塘曲池。所存布護。故不可得而
論也。一水南逕白登山西。服虔曰。白登臺名也。去平城七里。如淳曰。平城
傍之高城。若丘陵矣。今平城東十七里有臺。即白登臺也。臺南對豈阜。即
白登山也。故漢書稱上逕至平城。上白登者也。為匈奴所圍處。孫暢之述

畫曰。漢高祖被圍七日。陳平使能畫作美女。送與呂嬃。呂嬃開氏。怒呂嬃勝漢。其寵必衰。說呂嬃解圍於此矣。其水又逕寧先宮東。獻文帝之為太上皇也。所居故宮矣。宮之東次下有兩石柱。是石虎鄴城東門石橋柱也。按位勅趙建武中造。以其石作工妙。後之於此。余為尚書祠部與宜都王穆羆同拜北郊觀所造。見柱側悉鑿雲華。上作螭螭。甚有形勢。信為工巧。去至并碑側遠矣。其水又南逕平城縣故城東。司州代尹治皇都洛陽。以為恒州水左有大道壇廟。始走二年。少室道士寇謙之所議建也。兼諸岳廟碑亦多所署立。其廟階三成。四周欄檻。上階之上。以本為負基。令于相枝梧。以板切其上。欄檻承阿上負制如明堂。而專室四戶。室內有神坐。坐右列玉磬。皇與親降受籙靈壇。號曰天師。宣陽遁式。斬重當時。壇之東北。舊有靜輪宮。魏神龜四年造。抑亦相梁之流也。臺高廣。超出雲間。欲令上尺霄谷。下絕器浮。太平真君十一年又毀之。物不停同。白登亦繼號矣。水右有三層浮屠。真容驚架。悉結石也。紫制底質。亦盡美善也。東廊外太和中間人宕昌公封耳處。時立祇洹舍於東。畢林无梁棟。臺辟檀陛。尊容聖像。及床坐軒帳。悉青石也。圖制可觀。所恨唯列銚合石。疎而不密。庭中有祇洹碑。碑題大篆。非佳耳。然京邑帝屋佛法豐盛。神圖妙塔。常時相望。法輪東

轉。茲為上矣。其水自北苑南出。歷京城內河千兩涘。太和十年。累石結岸。夾塘之上。雜樹交蔭。郭南結兩石橋。橫水為梁。又南逕籍田及華園西。明堂東。明堂上圓下方。四周十二戶。九堂而不為重陽也。室外柱內綺井之下。施機輪飾綵。仰象天狀。畫北道之宿鳥。蓋天也。每月隨斗所建之辰。轉應天道。此之異古也。加靈臺於其上。下則引水為辟雍。水側結石為塘。事准古制。是太和中之所經建也。如渾水入南與武周川水會。水出縣西南山下。二源翼導。俱發一山。東北流合成一川。北流逕武周縣故城。西。王莽之桓周也。入東北石合黃山水。西出黃阜下。重北派聖山之水注焉。水出西山東派。注于黃水。黃水又東注武周川。又東歷故亭北。右合大山。西漢水。水導源大山西北派。山上有大井。南北六十七步。廣城尺許。源深不見底。火勢上升。常若微雷發響。以草覆之。則煙騰火發。東方朔神異傳云。南方有大山焉。長四十里。廣四五里。其中皆生不燼之木。晝夜火然。得兩猛風不滅。火中有鼠。重百斤。毛長二尺餘。細如絲。色白。時時出火。以水逐而沃之。則死。取其毛績以為布。謂之大浣布。是山亦其類也。但井物則不能然。其山以火從地中出。故亦名榮臺矣。火井東五六尺。又東有湯井。廣輪與火井相狀。勢無不同。以革內之。則不熱。皆沾濡露結。故俗以湯井為目。

井東有火井祠。以時祀祭焉。井北百餘步有東西谷。廣十許步。南岸下有風穴。厥大容人。其深不測。而穴中蕭蕭常有微風。雖三伏盛暑。猶須繫裘。寒吹凌人。不可暫傳。而其山出鷄鳥。形類雉鳥。純黑而紋好。音與之同。鵲彩紺發。背若丹砂。性馴良而易附。非童幼子捕而執之。亦背鳥。亦曰何鷄鳥。按爾雅。純黑反哺謂之慈鳥。小而腹下白。不反哺者謂之雉鳥。白頭而群飛者謂之鵲鳥。大而白頭者謂之倉鳥。爾雅曰。鵲。斯卑居也。孫炎曰。卑居。楚鳥。捷為舍人。以為屋。屋說文謂之雉。雉。楚鳥。莊子曰。雉。賈矣。馬融亦曰。賈鳥者也。又按瑞應圖。有三足鳥。赤鳥。白鳥之名。而無記於此鳥。故書其異耳。自恒山已北。並有此矣。其水又東北流注武周川水。武周川水又東南流。水側有石紙。洄舍。并諸窟室。比丘尼所居也。其水又東轉逕靈巖南。鑿石開山。因崖結構。真容巨壯。法世所締。山堂水殿。烟峙相望。林園錦鏡。綴目新時。川水入東南。流出山。魏土地記曰。平城官西三十里。武周塞口者也。自山口枝渠東出。入苑。溉諸園池。苑有洛陽殿。殿北有官館。一水自枝渠南流。東南出。火山水注之。水發大山東溪。東北流出山。山有石炭。火之熱同。然炭也。又東注周武川。逕平城縣南。東流注如渾水。又南流逕班氏縣故城東。王莽之班也。關。關十三州志曰。班氏縣在郡西南百里北。

俗謂之去留城也。如渾水又東南流注于濕水。濕水又東逕北平邑縣故城南。趙獻侯十三年城平邑。地理志曰。屬代王莽所謂平朔也。十三州志曰。城在高柳南八十里北。俗謂之醜寅城。濕水又東逕沙陵南。魏金田之地也。事同曹武薨中定矣。濕水東逕猗氏縣故城北。王莽更名之曰猗衆也。十三州志曰。縣在高柳南百三十里。俗謂之羞力干城矣。濕水入東逕道人縣故城南。地理志曰。王莽之道仁也。地理風俗記曰。初築此城。有仙人趨其地。故因以為城名矣。今城北有淵潭而不注。故俗謂之為平湖也。十三州志曰。道人城在高柳東北八十里。所未詳也。濕水又東逕陽原縣故城南。地理志代郡之屬縣也。北俗謂之北鄉州城。濕水又東水又東陽水注之。水出縣東北潭中北。俗謂之太拔廼水。水自源東南流注于濕水。又東逕東安陽縣故城北。趙惠文王三年封長子章為代安陽君。此即章封邑。王莽之競安也。地理風俗記曰。五原有西安陽故。此加東也。濕水東逕昌平縣。濕水注之。水出南墳下。三源俱導。合而南流。東北逕濕水。濕水又東逕昌平縣故城北。王莽之長昌也。昔牽招為魏縣。早校尉也。此濕水又東北逕桑乾縣故城西。又屈逕其城北。王莽更名之曰安德也。魏土地記曰。代城北九十里。有桑乾城。城西渡桑乾水。去城十里有溫湯。瘴疾有

驗。經言出南非也。蓋懼證矣。魏任城王彰以建安二十三年伐烏丸入潯
郡。遂北。遂至桑乾。止於此也。水入東流。祁夷水注之。水出平舒縣東。逕平
舒縣之故城南澤中。史記趙孝成王十九年。以汾門予燕。易平舒。徐廣曰。
平舒在代。王莽更名之曰平符。後漢世祖建武七年。封陽武將軍馬成爲
侯國公。水控引衆泉以成一川。魏土地記曰。代城西九十里有城。平舒西
南五里。代水所出。東北流。言代水非也。祁夷水又東北逕蘭亭南。又東北
逕石門關北。舊道出中山故關也。又東北流水側有故池。按魏土地記曰。
代城西南三十里。有代王魚池。池西北有代王臺。東去代城四十里。祁夷
水又東北得飛狐谷。即廣野君所謂杜飛狐之口也。蘇林據酈公之說。言
在上黨。即實非也。如淳言在我是矣。晉建興中劉琨自代出飛狐口。奔於
安次。即於此道也。魏土地記曰。代城南四十里有飛狐關。關水西北流。逕
南舍亭西。又逕句磔亭西。西北注祁夷水。祁夷水又東北流。逕代城西。盧
植言初築此城。板幹一夜自移。此故代西南五十里大澤中。營城自護。結
葦爲九門。於是就以爲治。城圍匝而不方。周四十七里。開九門。更名其故
城曰東城。趙滅代。漢封孝文爲代王。梅福上事曰。代谷者恒山在其南。北
塞在其北。谷中之地。上谷在東。代郡在西。是其地也。王莽更之曰厭狄亭。

魏土地記曰城內有二泉一源派出城西門二源派出城北門二源皆北注代水。祁夷水入東北熱水注之。水出綾羅澤。澤際有熱水亭。其水東北流注祁夷水。人東北谷水注之。出昌平縣故城南。又東北入祁夷。祁夷右會逆水。水導源將城東。西北流逕將城北。在代城東北一十五里。疑即東代矣。而尚傳將城之名。盧植曰。此城方就。而枚幹自移。應劭曰。城徙西南。去故代五十里。故名代曰東城。或傳書倒錯。情用疑焉。而無以辨之。逆水又西注于祁夷之水。逆之為名。以西流故也。祁夷水東北逕青牛淵。水自開東注之。青諤云。有潛龍出于茲浦。形類青牛馬。故淵潭受名矣。潭深不測。而水周多蓮藕生焉。祁夷水入北逕一故城西。西去代城五十里。又疑是代之東城。而非所計也。入逕昌平郡東。魏太和中置。西南去故城六十里。又北連水入焉。水出離營縣東。西北流逕離營縣故城南。又西逕廣昌城南。魏土地記曰。代南二百里。有廣昌城。南通大嶺。即此非也。十三州記曰。平舒城東九十里。有廣平城。疑是城也。尋其名狀。忖理為非。又西逕王莽城南。入西到刺山水注之。水出到刺山西。山甚層峻。未有升其嶺者。魏土地記曰。代城東五十里有到刺山。山上有佳大黃也。其水北流逕一故亭東。城北有石人。故世謂之石人城。西北注蓮水。又北逕當縣故城西。高

祖十二年周勃定代。新陳旃於雷城。即此處也。應劭曰。雷桓山作城。故曰雷城也。又遼故代東而西北流注邪夷水。邪夷水西有隨山。山上有神廟。謂之女郎祠。方俗所祠也。邪夷水又北逕桑乾故城東。而北流注于濕水。地理志曰。邪夷水出平舒縣北。至桑乾入濕是也。濕水又東北逕石山水口。水出南山北流逕空侯城東。魏土地記曰。代城東北九十里有空侯城者。其水又東北流注濕水。濕水又東逕潘城縣北。東合協陽關水。水出協溪。魏土地記曰。下洛城西南九十里有協陽關。關道西通代郡。其水東北流歷芹頭山。關駟曰。芹頭山在潘城南。即是山也。又北逕潘縣故城左會潘泉故漬。漬舊上承潘泉於潘城中。或云。芹所都也。魏土地記曰。下洛城西南四十里有潘城。城西北三里有歷山。山上有虞舜廟。十三州記曰。廣平城東北一百一十里有潘縣。地理志曰。王莽更名樹武。其泉從廣十數步。東出城注協陽關水。兩城則通注。陽早則不流。唯濟泉而已。關水又東北流注于濕水。又東逕雍洛城南。魏土地記曰。下洛城西二十里有雍洛城桑乾水。在城南東流者也。濕水又東逕下洛縣故城南。王莽之下忠也。魏燕州廣寧縣廣寧郡治。魏土地記曰。去平城五十里城南二百步有堯廟。濕水又東逕高邑亭北。又東逕三臺北。濕水又東逕無鮮城北。地理

風俗記曰。燕語呼亡為無。今改宜鄉也。溫水又東逕溫泉水注之。水上承溫泉於橋山下。魏土地記曰。下洛城東南四十里有橋山。下有溫泉。泉上有琴堂。彫簾華宇。敞于浦上。石池吐暑。湯湯其下。炎涼代序。是水灼焉無改。能治百疾。是使赴者若流。池水北流入于濕水。濕水又東左得于延水口。水出塞外子玄鎮西。長川城南小山。山海經曰。梁渠之山無草木。多金玉。循水出焉。東南流逕且如縣故城南。應劭曰。當城西北四十里有且如城。故縣也。代稱不拘。名號變改。按其程郭相去遠矣。地理志曰。東部都尉治於延水。出縣北塞外。即循水也。循水又東南逕馬城縣故城北。地理志曰。東部都尉治。十三州志曰。馬城在高柳東二百四十里。俗謂是水為河頭。河頭出戎方。土俗變名耳。又東逕零丁城南。右合延鄉水。水出縣西山。東逕延陵縣故城北。地理風俗記曰。當城西北有延陵鄉故縣也。俗指謂之琦城川。又東逕羅亭。又東逕馬城南。又東注脩水。又東南於大甯郡北。右注鴈門水。山海經曰。鴈門之水出于鴈門之山。鴈出其間。在高柳北。高柳在代中。其山重巒疊嶺。霞舉雲高。連山隱隱。東出連塞。其水東南流逕高柳縣故城北。舊代郡治。秦始皇二十三年。虜趙王遷國以為郡。王莽之所謂厭狄也。建武十九年。世祖封代相。堪為侯國。昔招新韓忠於此處。

城在平城東南六七十里。於代為西北也。鴈門水又東南流。屈逕一故城。背山面澤。北俗謂之叱咄城。鴈門水又東南流。屈而東北。積而為澤。其陂斜長而不方。東北可二十餘里。廣一十五里。薰葭蘭生焉。敦水注之。其水導源西北。少咸山之南麓。東流逕秦合縣故城南。地理風俗記曰。道人城北五十里有秦合鄉。故縣也。敦水東入湫水注之。出東阜下。西北流逕故城。北俗謂之和堆城。又北合敦水。亂流東北。注鴈門水。故山海經曰。少咸之山。敦水出焉。東流注于鴈門之水。郭景純曰。水出鴈門山。謂斯水也。鴈門水又東北入陽門山。謂之羊門水。與神泉水出葦壁北。水有靈焉。及其霖雲不雨。陽旱經期。多禱請焉。水有二流。世謂之北蓮泉。一水東北逕一故城。東世謂之石虎城。而東北流注陽門水。又東逕三會亭北。又東逕西伺道城北。又東訛台谷水注之。水上承神泉於葦壁北。東逕羊門山南。訛台谷。謂之訛台水。汲引泉溪。澤渾清。東注。行者間一十餘渡。東逕三會城南。又東逕訛台亭北。又東北逕馬頭亭北。東北注鴈門水。鴈門水又東逕大寧郡北。魏太和中夏。有降水注之。即山海經所謂偕水。東流注于鴈門水也。地理志曰。有于延水。而無鴈門偕水之名。山海經有鴈門之目。而無說。于延河自下。亦通謂之于延水矣。水側有桑林。故時人亦謂是水為桑

秦河也。斯乃北土竄秦。至此見之。因以名焉。于延水又東。逕城東南。按史記蔡澤燕人也。謝病歸相秦。號曰成居。疑即澤沂邑也。世名武畎城。延水又東。左與寧川水合。水出西北。東南流。逕小寧縣故城。西。東南流。注于延水。又東。逕小寧縣故城。地理志寧縣也。西部都尉治。王莽之博康也。魏土地記曰。大寧城。西二十里有小寧城。昔邑人班丘仲居水側。賣藥於寧。百餘年。人以為壽。後地動。宅壞。仲與里中數十家皆死。民人取仲尸。弃于延水中。收其藥。賣之。仲被棄。從而詰之。此人大怖。叩頭求哀。仲曰。不恨汝。故使人知我耳。去矣。後為大餘王驛使。求寧北方人。謂之隨仙也。于延水又東。黑城川水注之。水有三源。出黑土城西北。奇源合注。總為一川。東南逕黑土城。西。又東南流。逕大寧縣。西。而南入延河。延河又東。逕大寧縣故城。南。地理志云。廣寧也。王莽曰廣康矣。魏土地記曰。下洛西北百三十里大寧城。于延水入東南。逕茹縣故城北。王莽之穀武也。世謂之如口城。魏土地記曰。城在鳴鷄山西十里。南通大道。西達寧川。于延水又東南。逕鳴鷄山西。魏土地記曰。下洛城東北三十里有延河。東河北有鳴鷄山。史記曰。趙襄子殺代王於夏屋。而并其土。襄子迎其姊於代。其姊代之夫人也。至此曰。代已亡矣。吾將何歸乎。遂磨笄於山。而自殺。代人憐之。為立祠焉。

因名其為唐筭山每歲有野鷄群鳴於祠屋上故亦謂之為鳴鷄山魏王地記云代城東南二十五里有馬頭山其側有鍾乳穴趙襄子既害代王迎婢婢代夫人夫人曰以弟慢夫非仁也以夫怨弟非義也唐筭自刺而死使者自殺民憐之為立神屋於山側因名之為唐筭山未詳孰是于延水又南逕且居縣故城南王莽之所謂文居也其水東南流注于濕水地理志曰于延水東至其寧入治非矣又東過涿鹿縣北涿水出涿鹿山世謂之張公泉東北流逕涿鹿縣故城南王莽所謂橈陸也黃帝與蚩尤戰於涿鹿之野留其民於涿鹿之河即於是也其水又東北與陂泉合其水導源縣之東泉魏土地記曰下洛城東南六十里有涿鹿城城東一里有陂泉泉上有皇帝祠晉太康地理記曰陂泉亦地名也泉水東北流與蚩尤泉會水出蚩尤城城無東面魏土地記稱涿鹿城東南六里有蚩尤城泉水淵而不流霖雨併則流注陂泉亂流東北入涿水涿水又東逕平原郡南魏徙平原之民置此故立僑郡以統流雜涿水又東北逕祚亭北而東北入濕水亦云涿水枝分入匈奴者謂之涿耶地理潛顯難以究照非所知也濕水又東南左會清夷水亦謂之滄河也水出長亭南西逕北城村故城北又西北平鄉川水注之出平鄉亭西西北流注清夷水清夷水